

եմ որք Մակար Կաթուղիկոս դեռ վարդապետ ժամանակ և Բագրևանդայ առաջնորդ Միմէօն վարդապետ մեծ համարում ունէին վերան:

Առաջնորդ Միմէօն վարդապետ Ատովմեան որ բաւական գործունեայ առաջնորդ մի էր և հմուտ ի գրոց. 57 յունվար 14 թուով կը գրէ առ Պետրոս աղա. «Մեծի բարեպաշտ ազգասիրութեան . . . » և ինչ և կը գրէ Հայոց վերայ բարդուած զուրայի տրոց կանոնաւորման մասին աշխատի: 57 փետր. 22 թուով ևս ազգիս թշուառ վիճակն կը նկարագրէ Նիզաճէ տրոց համար: 57 յունիս 20 թուով զՌօարզիպաշեան ազգատեաց հայն պաշտօնանկ արած լինելուն համար:

1858 յունվար 26 թուով Կարնէն կը գրէ Ղազար վարդապետ Կորաւցեան վերատեսուչ ընդհ. քիւրդիստանի. «այն որ իւր ընտանեաց հոգ չտանիր հաւատքը ուրացած է. » և թէ վարդապետի մը և իշխանի մի ընտանիքը իւր ազգն է, սոյն նամակով օրինակ կը բերէ զՍուրբն Վարդան և այլ ազգասէր անձինք, կը յորդորէ զժողովուրդն Ալաշկերտի ի սէր . . . :

1860 սեպ. 5 թուով Մակար արքեպիսկոպոս հրամանաւ վեհափառին կը գրէ, որ միջնորդէ ի պատրիարքարան և ժողովրդեան, որ Բագրևանդայ առաջնորդ Զաքարիա «բազմափորձ» վարդապետն եպիսկոպոսութեան աստիճան բարձրացնէ:

1861 օգոս. թուով Զաքարիա Արքեպիսկոպոս Իւջ-Քիլիսէի մէջ ուսումնարան բանալով կը յորդորէ Պետրոս աղան որ օժանդակ լինի իւրեան:

1863 յունվար 10 թուով Կտուց անապատի վանհասյր Պօղոս վ. (այժմ եպիսկոպոս) կը գրէ առ Պետրոս աղա որ առատաբար օգնէ Անապատին և վանքի միաբանութիւնը խզճալի դրութենէ ազատէ և ինչ: